

Na osnovu člana 66. i 67. Zakona o budžetima u Federaciji Bosne i Hercegovine («Službene novine Federacije Bosne i Hercegovine», broj: 19/06, 76/08, 5/09, 32/09, 51/09, 9/10, 36/10, 45/10 i 25/12) i člana 32. Statuta Općine Velika Kladuša («Službeni glasnik Općine Velika Kladuša», broj: 12/11) Općinsko vijeće na XII sjednici, održanoj 28.11.2013. godine, donijelo je

O D L U K U
o usvajanju finansijskih izvještaja
i devetomjesečnog Izvještaja o izvršenju
budžeta za period 01.01 - 30.09.2013. godine

Član 1.

Usvajaju se finansijski izvještaji i devetomjesečni Izvještaj o izvršenju budžeta za period 01.01 – 30.09.2013. godine, sa slijedećim veličinama:

Ostvareni prihodi sa primicima	5.331.293,00 KM
Ostvareni rashodi sa izdacima i otplatama kredita	4.372.936,00 KM
Suficit	998.357,00 KM

Član 2.

Devetomjesečni Izvještaj o izvršenju budžeta čini sastavni dio ove Odluke.

Član 3.

Ova Odluka stupa na snagu danom donošenja i ima se objaviti u «Službenom glasniku Općine Velika Kladuša», a o njenom provođenju brinut će se Općinski načelnik.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆA
OPĆINSKOG VIJEĆA
Edina Abdić, s.r.

Broj: 01-05-412/13

Velika Kladuša, 28.11.2013. godine

A – PRIMICI

Ekonomski kod	NAZIV	Izvršeno sa 30.09.2012	Budžet 2013	Izvršeno sa 30.09.2013	indeks	
					5/3	5/4
1	2	3	4	5	6	7
	Prihodi, finansiranje i prenijeta gotovina	6.053.200	9.362.258	5.375.394	89	57
700000	A) Prihodi	5.882.171	7.212.157	5.368.293	91	74
710000	I POREZNI PRIHODI	4.261.292	5.292.411	4.016.860	94	76
717141	Prihodi po osnovu PDV	2.973.546	3.700.000	2.833.516	95	77
715000	Prihodi po osnovu poreza na prom.proizv. I usluga		16.000	15.933		100
716100	Prihodi po osnovu poreza na dohodak	319.451	470.000	334.278	105	71
716111	Prihodi po osnovu poreza na dohodak od nesam.rada	251.734	370.000	265.410	105	72
716112	Prihodi po osnovu poreza na dohodak od samost.rada	8.885	11.000	5.882	66	53
716113	Prihodi po osnovu poreza na doh. od imov. I imov. Prava	3.008	4.000	2.184	73	55
716115	Prihodi po osnovu poreza na doh. od igara na sreću	8.135	12.000	8.554	105	71
716116	Prihodi po osnovu poreza na doh. od drugih samost.djel.	25.517	36.000	27.342	107	76
716117	Prihodi po osnovu poreza na doh. po konačnom obračunu	22.172	37.000	24.906	112	67
713111	Prihodi po osnovu poreza na plaću	3.678	1.300	1.226	33	94
713113	Prihodi po osnovu poreza na autorske honorare					
711115	Prihodi po osnovu poreza na pr.od imov i imov prava		111	316		285
714121	Prihodi po osnovu poreza na naslijeđe i poklone	24.757	35.000	19.591	79	56
711114	Prihodi po osnovu poreza na ukupni prihod fiz.lica					
714111	Prihodi po osnovu poreza na imovinu	207.962	260.000	219.418	106	84
714131	Prihodi po osnovu poreza na promet nekretnina	385.514	400.000	278.740	72	70
717131	Prihodi od učešća u MPC naftnih derivata	325.059	400.000	308.957	95	77
719111	Ostali porezni prihodi	21.325	10.000	4.885	23	49
720000	II NEPOREZNI PRIHODI	1.620.879	1.919.746	1.351.433	83	70
722131	Prihodi po osnovu Općinski administrativnih taksa	170.864	200.000	156.875	92	78
722321	Prihodi po osnovu Općinski komunalni taksa	208.151	250.000	257.809	124	103

722441	Prihodi od komunalne naknade	275.629	300.000	259.210	94	86
722565	naknada za korištenje zemljišta uz javne ceste				0	
722435	Prihodi od rente za građevinsko zemljište - trajna renta	176.829	200.000	25.377	12	13
722433	naknada za uređenje građevinskog zemljišta	216.123	200.000	84.098	73	42
722532	Prihodi od naknada za upotrebu cesta	115.628	155.000	115.529	165	75
722529	Vodne naknade	70.191	100.000	75.577		76
721112	Prihodi od davanja prava na eksploataciju prirod. resursa	798	30.000	21.094	2.643	70
722611	Prihodi od pružanja usluga građanima	55.008	40.000	24.143	44	60
723131	Novčane kazne po Općinskim propisima	46.813	40.000	34.070	73	85
722437	Prihodi od realizacije projekata legalizacije					
722581	posebna naknada za zaštitu od prir. i dr. nesreća na plate	53.572	75.000	67.715	126	90
722611-006	prihodi po osnovu naknada za održavanja zajedn.prost. i uređaja u stamb.zgradama	36.875	45.000	50.552	137	112
723139	Ostali prihodi	194.398	284.746	179.384	92	63
	B) FINANSIRANJE	48.450	2.146.000	3.000	6	0
812214-000	Grantovi iz budžeta Kantona					
812214-011	Po tužbi od kantona za kapitalne projekte iz 2010. god		1.100.000			0
812214-001	Namjenski grant ministarstva poljoprivrede USK-a					
812212-001	Grant Vlade Federacije BiH					
812211	Donacija švicarske vlade		6.000	3.000		50
812214-012	Namjenski grant ministarstva građenja USK		40.000			0
814212	Dugoročni krediti		1.000.000			0
812214	Ostali primici	48.450				
	C) PRENIJETA GOTOVINA	122.579	4.101	4.101	3	100
111000	prenijeti saldo na ž-r	122.579	4.101	4.101	3	100

ZBIRNI PREGLED IZDATAKA BUDŽETA

Ekonomski kod	NAZIV	ostvareno sa 30.09.2012	budžet 2013	izvršenje sa 30.09.2013	Ukupno stvoreno obaveza sa 30.09.2013.	INDEX		
						6/3	6/4	5/6
1	2	3	4	5	6	7	8	9
610000	Ukupno niže potrošačke jedinice	2.968.861	4.175.357	2.449.482	2.864.865	96	69	86
610000	Ukupno tekući izdaci	2.968.861	4.175.357	2.449.482	2.864.865	96	69	86
611000	Plaće i naknade	1.997.254	2.735.436	1.711.489	1.918.515	96	70	89
611100	Bruto plaće	1.792.708	2.439.536	1.555.074	1.738.922	97	71	89
612000	Naknada troškova zaposlenih	204.546	295.900	156.415	179.593	88	61	87
612100	Doprinosi poslodavca i ostali doprin.	189.953	255.551	163.282	182.591	96	71	89
613000	Izdaci za materijal i usluge	781.654	1.184.370	574.711	763.759	98	64	75
613100	Dnevnice i putni troškovi	17.674	37.500	22.680	23.857	135	64	95
613200	Izdaci za energiju	34.784	105.000	48.355	48.820	140	46	99
613300	Izdaci za komunalne usluge	95.505	130.140	62.429	90.110	94	69	69
613400	Izdaci za nabavku materijala	76.872	84.700	36.690	48.185	63	57	76
613500	Izdaci za prevoz i gorivo	66.291	40.600	12.307	25.399	38	63	48
613600	Unajmljivanje imovine i opreme	6.001	7.000					
613700	Izdaci za tekuće održavanje	35.047	38.700	7.999	23.329	67	60	34
613800	Izdaci za osiguranje i bank. usluge	9.076	16.800	10.901	12.896	142	77	85
613900	Ugovorene usluge	440.404	723.930	373.350	491.163	112	68	76
614230	Socijalna davanja	39.300	60.000	40.600	40.600	103	68	100
614000	Tekući grantovi	1.434.392	1.433.600	393.766	862.267	60	60	46
615000	Kapitalni grantovi	10.954	90.000	5.052	5.052	46	6	100
821000	Ulaganja u stalna sredstva budž. Kor.	27.849	150.000	4.215	70.834	254	47	6
300000	Nepodmirene obaveze iz preth. god.	4.031.141	3.423.301	2.468.592	3.234.166	80	94	76
999999	Budžetska rezerva	36.114	30.000	22.473	22.473	62	75	100
	SVEGA IZDACI	8.548.611	9.362.258	5.384.180	7.100.257	83	76	76

Na osnovu člana 32. i 124. Statuta Općine Velika Kladuša („Službeni glasnik Općine Velika Kladuša“, broj: 12/11), te člana 72. i 81. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11), razmatrajući Izvještaj o izvršenju budžeta za period 01.01 – 30.09.2013. godine, Općinsko vijeće Općine Velika Kladuša na XII sjednici, održanoj 28.11.2013. godine, donijelo je

ZAKLJUČAK

I

1. Konstatira se da je u periodu 01.01 – 30.09.2013. godine izostao intenzivniji rad nadležnih službi Općinskog organa uprave na rješavanju zahtjeva građana, naročito onih zahtjeva koji se odnose na izdavanje građevinskih, urbanističkih, upotrebnih i drugih dozvola i odobrenja, što je za direktnu posljedicu imalo izostanak kvalitetnog priliva prihoda iz kategorije neporeznih budžetskih sredstava i punjenja budžeta u očekivanoj mjeri i dinamici.

2. U izvještajnom periodu izostala je implementacija preporuka, stavova i mišljenja Općinskog vijeća i njegovih radnih tijela, naročito u dijelu koji se odnosio na potrebu intenzivnijeg provođenja postupka izdavanja građevinskih, urbanističkih i drugih dozvola, kao i blagovremenog okončanja drugih postupaka koji se kod Općinskog organa uprave vode po zahtjevima građana što kao posljedicu, osim evidentno loše situacije u budžetu, uzrokuje i opravdano nezadovoljstvo građana

3. Općinsko vijeće obavezuje Općinskog načelnika da prilikom utvrđivanja prijedloga budžeta za 2014. godinu izvrši kvalitetne procjene izvora prihoda budžetskih sredstava po svim osnovama, te na osnovu realnih i objektivnih pokazatelja utvrdi prijedlog budžeta Općine Velika Kladuša za 2014. godinu i isti uputi Vijeću na nadležno postupanje

II

Ovaj Zaključak stupa na snagu danom objavljivanja u «Službenom glasniku Općine Velika Kladuša».

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆA
OPĆINSKOG VIJEĆA
Edina Abdić, s.r.

Broj: 01-05-412-1/13
Velika Kladuša, 28.11.2013. godine

Na osnovu člana 40, 106, 118, 122. i 127. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, broj: 39/03, 22/06 i 43/10) i člana 32. Statuta Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša na XII sjednici, održanoj 28.11.2013. godine, donijelo je

O D L U K U

o formiranju struktura civilne zaštite na području općine Velika Kladuša

I - OPĆE ODREDBE

Član 1.

Ovom Odlukom formiraju se strukture civilne zaštite, kao osnovne strukture ljudskih potencijala za zaštitu i spašavanje na području općine Velika Kladuša, zatim utvrđuje način njihove teritorijalne zastupljenosti po mjesnim zajednicama, materijalno opremanje, obuka i osposobljavanje, kao i nadzor nad njenom primjenom.

Formiranje struktura civilne zaštite Općine Velika Kladuša bit će provedeno u nekoliko faza, zavisno od Procjene ugroženosti Općine Velika Kladuša, te ljudskih, materijalnih i drugih mogućnosti ove jedinice lokalne samouprave.

U prvoj fazi, u skladu s odredbama člana 40. Zakona o zaštiti i spašavanju, bit će formirano sedam (7) štabova civilne zaštite po mjesnim zajednicama, postavljeno ukupno 74 povjerenika civilne zaštite (u 14 mjesnih zajednica), formirano sedam (7) jedinica civilne zaštite opće namjene i četiri (4) jedinice specijalizovane namjene, te maksimalno četiri (4) prioritetne službe zaštite i spašavanja.

Član 2.

Štabovi civilne zaštite bit će formirani za jednu, dvije ili više mjesnih zajednica, a broj članova štaba određivat će se u rasponu od 5 do 9 članova, zavisno od veličine područja koje je u nadležnosti određenog štaba.

Jedinice civilne zaštite opće namjene u prvoj fazi bit će formirane kao vodovi i odjeljenja.

Povjerenici civilne zaštite bit će određeni i postavljeni u skladu s kriterijima određenim u Programu razvoja zaštite i spašavanja ljudi i materijalnih dobara od prirodnih i drugih nesreća na području Općine Velika Kladuša.

Član 3.

Raspoređivanje obveznika civilne zaštite u strukture koje na svom području formira Općina Velika Kladuša vrši Služba za civilnu zaštitu koja vodi evidenciju o obveznicima civilne zaštite, po osnovu Pravilnika o sadržaju i načinu vođenja evidencije obveznika civilne zaštite („Službene novine Federacije Bosne i Hercegovine“, broj: 67/13)

Pojedinačne akte o osnivanju štabova i jedinica civilne zaštite, službi zaštite i spašavanja, te postavljenju i razrješavanju povjerenika civilne zaštite donosi Općinski načelnik, na prijedlog Službe za civilnu zaštitu, a po osnovu Pravilnika o načinu rada i funkcioniranja štabova i povjerenika civilne zaštite („Službene novine Federacije Bosne i Hercegovine“, broj: 77/06 i 5/07) i Pravilnika o organiziranju službi zaštite i spašavanja i jedinica civilne zaštite, njihovim poslovima i načinu rada („Službene novine Federacije Bosne i Hercegovine“, broj: 77/06).

II - ŠTABOVI CIVILNE ZAŠTITE I POVJERENICI CIVILNE ZAŠTITE

Član 4.

Štabovi civilne zaštite po mjesnim zajednicama formirat će se u punom kapacitetu u prvoj fazi formiranja struktura civilne zaštite, a na isti način će biti izvršeno određivanje i postavljenje povjerenika civilne zaštite.

U štabovima koji se formiraju za dvije i više mjesnih zajednica Komandant štaba će biti iz jedne a načelnik štaba civilne zaštite iz druge mjesne zajednice.

Član 5.

Prilikom formiranja štabova civilne zaštite neophodno je voditi računa o procentualnoj zastupljenosti članova određenog štaba predstavnicima svih mjesnih podružnica.

Sve aktivnosti oko formiranja struktura civilne zaštite provodit će se na način kako je to predviđeno Programom razvoja zaštite i spašavanja Općine Velika Kladuša.

III - JEDINICE CIVILNE ZAŠTITE OPĆE I SPECIJALIZOVANE NAMJENE

Član 6.

S obzirom na materijalne mogućnosti Općine Velika Kladuša u prvoj fazi formiranja struktura civilne zaštite bit će formirane jedinice civilne zaštite opće namjene, formacije voda i odjeljenja.

Jedinice civilne zaštite opće namjene djelovat će pod ingerencijama nadležnog Štaba civilne zaštite određene mjesene zajednice ili većeg broja njih.

Jedinice civilne zaštite iz prethodnog stava formiraju se, u principu, na načelima teritorijalne popune, a mogu se upotrijebiti kao ispomoć i van područja na kome su osnovane, o čemu odlučuje Općinski štab civilne zaštite.

Član 7.

Formiranje jedinice civilne zaštite specijalizovane namjene realizirat će se na način kako je to predviđeno Programom razvoja zaštite i spašavanja, ukoliko se Općinski štab civilne zaštite ne odluči za formiranje potpuno novih jedinica, u drugoj formi i obliku.

Programom razvoja zaštite i spašavanja predviđeno je da se na području općine Velika Kladuša formiraju četiri (4) jedinice specijalizovane namjene i to: asanacija terene i prva medicinska pomoć, zaštita i spašavanje životinja i namirnica životinjskog porijekla, spašavanje iz ruševina i zaštita od požara.

IV – SLUŽBE ZAŠTITE I SPAŠAVANJA

Član 8.

U prvoj fazi formiranja struktura civilne zaštite na području općine Velika Kladuša bit će formirano i nekoliko Službi zaštite i spašavanja, za koje se prioritetno odluči Općinski štab civilne zaštite Općine Velika Kladuša.

Član 9.

Službe zaštite i spašavanja na području općine Velika Kladuša organizuju se, u pravilu, u pravnim licima iz oblasti: zdravstva, veterinarstva, stambenih i komunalnih poslova, vodoprivrede, šumarstva, poljoprivrede, građevinarstva, transporta, vatrogastva, ekologije i drugih oblasti.

U navedene službe zaštite i spašavanja, u pravilu, raspoređuju se zaposlenici pravnog lica u kojem su te službe osnovane.

Funkciju službe zaštite i spašavanja može imati cijelo pravno lice ili samo jedan njegov dio.

Općinski načelnik, na prijedlog Službe za civilnu zaštitu, određuje pravna lica i/ili udruženja građana u kojima će se organizirati službe zaštite i spašavanja koje će djelovati na području Općine.

V – MATERIJALNO OPREMANJE, OBUKA I OSPOSOBLJAVANJE

Član 10.

Strukture civilne zaštite iz člana 6. do 8. ove Odluke, formiraju se, opremaju i osposobljavaju, kao operativne snage, radi neposrednog angažiranja na izvršavanju zadataka zaštite i spašavanja ljudi i materijalnih dobara od prirodnih i drugih nesreća i otklanjanja posljedica nastalih djelovanjem tih nesreća.

Poslove pripremanja, popune, opremanja i obučavanja struktura civilne zaštite iz prethodnog stava, a naročito jedinica civilne zaštite opće namjene, vrši Služba za civilnu zaštitu.

Član 11.

Pripadnici štabova civilne zaštite u mjesnim zajednicama, službi zaštite i spašavanja, jedinica civilne zaštite i povjerenici civilne zaštite obučavaju se i osposobljavaju za izvršavanje svojih zadataka u civilnoj zaštiti, prema odgovarajućim planovima i programima za tu namjenu.

Komandanti, načelnici i članovi štabova civilne zaštite, komandiri jedinica civilne zaštite, rukovodioci službi zaštite i spašavanja, kao i rukovodioci specijalnim materijalno-tehničkim sredstvima, pored obaveza iz stava 1. ovog člana, dužni su obučavati se na specijalističkim kursovima koji se, u pravilu, organiziraju svake druge godine. Obučavanje i osposobljavanje iz stava 1. i 2. ovog člana, vrši se po nastavnim planovima i programima, koje donosi direktor Federalne uprave civilne zaštite.

Član 12.

Služba za civilnu zaštitu organizira i provodi obuku i osposobljavanje štabova civilne zaštite, službi zaštite i spašavanja, jedinica civilne zaštite i povjerenika civilne zaštite, kao i građana za ličnu i uzajamnu zaštitu, na lokalnom nivou (obuka struktura civilne zaštite koje formira Općina).

Član 13.

Budžetom Općine finansira se pripremanje, opremanje i obuka struktura civilne zaštite (štabova civilne zaštite, jedinica i povjerenika civilne zaštite), kao

i troškovi koji nastanu tokom njihova učešća u provođenju mjera zaštite i spašavanja po naređenju Općinskog štaba civilne zaštite.

Finansiranje ovih obaveza vrši se u skladu s odredbama Odluke o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije Bosne i Hercegovine“, broj: 4/12)

Član 14.

Finansiranje rada pripadnika civilne zaštite u svim njenim strukturama, u skladu s važećim zakonskim i podzakonskim propisima, nije predviđeno za vrijeme preventivne faze njihovog angažmana, već u fazi rada za vrijeme dejstva prirodne i druge nesreće, kao i za vrijeme rada na otklanjanju posljedica od eventualnog dejstva ovih nesreća.

Iznos naknade za rad pripadnika civilne zaštite ne može biti veći od 30% od neto iznosa prosječne plaće isplaćene u Federaciji Bosne i Hercegovine, prema posljednjim objavljenim podacima Federalnog zavoda za statistiku.

VI - NADZOR NAD PRIMJENOM ODLUKE

Član 15.

Nadzor nad primjenom ove Odluke vrši kantonalna i federalna uprava civilne zaštite.

VII – ZAVRŠNE ODREDBE

Član 16.

Na osnovu ove Odluke Služba za civilnu zaštitu Općine Velika Kladuša uradit će nastavne Planove i programe obuke i osposobljavanja pripadnika civilne zaštite, određenih i postavljenih u sastav neke od navedenih struktura.

Član 17.

Ova Odluka stupa na snagu danom donošenja a objavit će se u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆA
OPĆINSKOG VIJEĆA
Edina Abdić, s.r.

Broj: 01-05-413/13
Velika Kladuša, 28.11.2013. godine

Na osnovu člana 14. stav 4. Zakona o eksproprijaciji („Službene novine Federacije Bosne i Hercegovine“, broj: 70/07, 36/10 i 25/12) i člana 32. Statuta Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša na XII sjednici, održanoj 28.11.2013. godine, donijelo je

ODLUKU

o utvrđivanju javnog interesa

1. UTVRĐUJE SE da je od javnog interesa izgradnja antenskog stuba i termoizolacionog kontejnera na brdu Prokres u naselju Trnovi i da se u tu svrhu za potrebe korisnika eksproprijacije Javnog

preduzeća „Elektroprivreda Bosne i Hercegovine“ d.d. Sarajevo, Podružnica „Elektrodistribucija“ Bihać može pristupiti potpunoj eksproprijaciji dijela nepokretnosti označene kao:

- k.č. 1420/1 „Poljana“ njiva površine 6987 m² upisana u PL 188 k.o. Trnovi kao posjed Hašić Hasana Hadžira, Trnovi 63 sa dijelom 1/1, a što po starom premjeru predstavlja k.č. 815/4 „Poljana“ pašnjak površine 8710 m² upisana u zk.ul.br. 2736 k.o. Velika Kladuša kao suvlasništvo Mujakić r. Miljković Fata sa dijelom 1/6, Miljković (Mehmed) Adila sa dijelom 1/6, Miljković (Mehmed) Hatka sa dijelom 1/6, Miljković (Huska) Bejzada sa dijelom 1/6, Miljković r. Šahinović Seida sa dijelom 1/12, Miljković (Šaban) Omer sa dijelom 1/20, Pehlić r. Miljković (Omer) Fikreta sa dijelom 1/20, Kapeller r. Miljković (Omer) Hadija sa dijelom 1/20 i Miljković (Omer) Fikret sa dijelom 2/20.

2. UTVRĐUJE SE da je od javnog interesa formiranje pristupnog puta u svrhu održavanja i opravke objekta - antenskog stuba i termoizolacionog kontejnera na brdu Prokres u naselju Trnovi i da se u tu svrhu za potrebe korisnika eksproprijacije Javnog preduzeća „Elektroprivreda Bosne i Hercegovine“ d.d. Sarajevo, Podružnica „Elektrodistribucija“ Bihać može pristupiti potpunoj eksproprijaciji dijela nepokretnosti označenih kao:

- k.č. 1428 „Prokres“ šuma 3 klase površine 8734 m² upisana u PL 476 k.o. Trnovi kao posjed Mržljak Bajre Fatima r. Keserović, Trnovi 70A sa dijelom 1/1, a što po starom premjeru predstavlja k.č. 762 „Prokres“ šuma površine 7700 m² upisano u zk.ul.br. 2086 k.o. Velika Kladuša kao suvlasništvo Keserović (Bajro) Fatima sa dijelom 1/4, Keserović (Bajro) Đula sa dijelom 1/4, Pehlić (Sulejman) Ibrahim sa dijelom 1/4, Barjaktarević (Mehmed) Husein sa dijelom 1/16, Barjaktarević (Mehmed) Šefik sa dijelom 1/16, Dukić (Mehmed) Šefika sa dijelom 1/16 i Purić (Mehmed) Refika sa dijelom 1/16;

- k.č. 1430 „Prokres“ šuma 2 klase površine 3855 m² upisana u PL 188 k.o. Trnovi kao posjed Hašić Hasana Hadžira, Trnovi 63 sa dijelom 1/1, a što po starom premjeru predstavlja k.č. 760/4 „I. Poljana“ šuma površine 4580 m² upisana zk.ul.br. 2732 k.o. Velika Kladuša kao suvlasništvo Mujakić r. Miljković Fata sa dijelom 1/60, Miljković (Mehmed) Adila sa dijelom 1/60, Miljković (Mehmed) Hatka sa dijelom 1/60, Miljković (Huska) Bejzada sa dijelom 1/60, Miljković r. Šahinović Seida sa dijelom 1/120, Karajić (Sulejman) Salih sa dijelom 3/60, Karajić (Salih) Salih sa dijelom 3/60, Karajić (Salih) Radžifa sa dijelom 3/60, Miljković (Šaban) Omer sa dijelom 1/40, Miljković ž. Ale Hasnija sa dijelom 9/30 i Glaser r. Miljković Rasima sa dijelom 18/30.

3. Nakon donošenja ove Odluke i njenog objavljivanja u „Službenom glasniku Općine Velika Kladuša“, korisnik eksproprijacije je obavezan, u skladu sa čl. 21. i 24. Zakona o eksproprijaciji („Službene novine Federacije Bosne i Hercegovine“, broj: 70/07, 36/10 i 25/12), podnijeti prijedlog za eksproprijaciju, ukoliko prethodno nije sa vlasnicima

zaključio sporazum o prenosu prava vlasništva i naknadi za predmetne nekretnine u skladu sa odredbama čl. 23. i 26. Zakona o eksproprijaciji.

Obrazloženje

Javno preduzeće „Elektroprivreda Bosne i Hercegovine“ d.d. Sarajevo, Podružnica „Elektrodistribucija“ Bihać, zastupano po zakonskom zastupniku direktoru Lipovača Nuriji, dana 15.08.2013. godine se obratilo Općinskom vijeću Općine Velika Kladuša prijedlogom za utvrđivanje javnog interesa za potpunu eksproprijaciju nekretnina navedenim u tački 1. i 2. dispozitiva ove Odluke, a radi izgradnje antenskog stuba i termoizolacionog kontejnera na brdu Prokres u naselju Trnovi i formiranja pristupnog puta u svrhu održavanja i opravke ovog objekta. Uz prijedlog je dostavljena slijedeća dokumentacija: urbanistička saglasnost broj: 03/1-23/1-3333/12 od 11.03.2013. godine sa situacijom na terena, posjedovni listovi br. 188 i 476 k.o. Trnovi, kopija katastarskog plana br. 7 k.o. Trnovi i zemljišnoknjižni izvadak zk.ul.br. 2086, 2736 i 2732 k.o. Velika Kladuša.

Razmatrajući prijedlog i dostavljene priloge utvrđeno je da je isti podnesen u skladu sa odredbama člana 16. Zakona o eksproprijaciji („Službene novine Federacije Bosne i Hercegovine“, broj: 70/07, 36/10 i 25/12), te da je izgradnja antenskog stuba i termoizolacionog kontejnera i formiranje pristupnog puta u svrhu održavanja i opravke ovog objekta na brdu Prokres u naselju Trnovi od javnog interesa jer se time omogućava neometana komunikacija radio uređajima korisnika eksproprijacije na području Unsko-sanskog kantona.

Na temelju svega navedenog odlučeno je kao u dispozitivu Odluke, a primjenom odredbe člana 14. Zakona o eksproprijaciji („Službene novine Federacije Bosne i Hercegovine“, broj: 70/07, 36/10 i 25/12).

POUKA O PRAVNOM LIJEKU: Protiv ove Odluke, shodno članu 222. stav 5. Zakona o upravnom postupku („Službene novine Federacije Bosne i Hercegovine“, broj: 2/98 i 48/99) ne može se izjaviti žalba, ali se može pokrenuti upravni spor podnošenjem tužbe Kantonalnom sudu u Bihaću u roku od 30 dana od dana njenog dostavljanja.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆA
OPĆINSKOG VIJEĆA
Edina Abdić,s.r.

Broj: 01-05-41/13
Velika Kladuša, 28.11.2013. godine

Na osnovu člana 32. i člana 124. stav 3. Statuta Općine Velika Kladuša („Službeni glasnik Općine Velika Kladuša“, broj: 12/11), člana 72. stav 1. i člana 81. stav 1. tačka 2. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11), Općinsko vijeće Općine Velika Kladuša na XII sjednici, održanoj 28.11.2013. godine, donijelo je

ZAKLJUČAK

I

DAJE SE SAGLASNOST Husi (Ibro) Bošnjak iz Velike Kladuše, Ulica Mahmuta Zulića Adže, za izgradnju poslovnog objekta u Velikoj Kladuši, Ulica Fadila Šerića, na parceli označenoj kao k.č. br. 1175/1 K.O. Velika Kladuša, u svemu prema urbanističko-tehničkim uvjetima, broj: 03/1-23/1-392/05 od 02.10.2013. godine i idejnom projektu, broj: PO 01-IX-1/2013, od septembra 2013. godine, izrađen od strane „AMG-PROJEKAT“ d.o.o. Velika Kladuša. Navedena parcela graniči sa parcelom označenom kao k.č. br. 1175/2 K.O. Velika Kladuša, a što po starom promjeru prestavlja k.č. 97/7 K.O. Velika Kladuša, a koja je u vlasništvu Općine Velika Kladuša.

II

Ovaj Zaključak stupa na snagu danom objavljivanja u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆA
OPĆINSKOG VIJEĆA
Edina Abdić,s.r.

Broj: 01-05-415/13
Velika Kladuša, 28.11.2013. godine

Na osnovu člana 32. i 124. Statuta Općine Velika Kladuša („Službeni glasnik Općine Velika Kladuša“, broj: 12/11), te člana 72. i 81. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11), razmatrajući Informaciju o stanju u predškolskom odgoju i obrazovanju na području Općine Velika Kladuša, Općinsko vijeće Općine Velika Kladuša na XII sjednici, održanoj 28.11.2013. godine, donijelo je

ZAKLJUČAK

I

PRIHVATA SE Informacija o stanju u predškolskom odgoju i obrazovanju na području Općine Velika Kladuša, bez primjedbi.

II

Ovaj Zaključak stupa na snagu danom objavljivanja u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆA
OPĆINSKOG VIJEĆA
Edina Abdić,s.r.

Broj: 01-05-416/13
Velika Kladuša, 28.11.2013. godine

Na osnovu člana 32. i 124. Statuta Općine Velika Kladuša („Službeni glasnik Općine Velika Kladuša“, broj: 12/11), te člana 72. i 81. Poslovnika Općinskog vijeća Općine Velika Kladuša („Službeni glasnik Općine Velika Kladuša“, broj: 12/11), razmatrajući Informaciju o stanju socijalne sigurnosti građana sa osvrtom na stanje i potrebe penzionera sa

područja Općine Velika Kladuša i prijedlogom mjera za unapređenje socijalne sigurnosti, Općinsko vijeće Općine Velika Kladuša na XII sjednici, održanoj 28.11.2013. godine, donijelo je

ZAKLJUČAK

I

1. **PRIHVATA SE** Informacija o stanju socijalne sigurnosti građana sa osvrtom na stanje i potrebe penzionera sa područja Općine Velika Kladuša i prijedlogom mjera za unapređenje socijalne sigurnosti, bez primjedbi.

2. Obavezuje se Služba za društvene djelatnosti i opću upravu i Centar za socijalni rad da putem sredstava informisanja na odgovarajući način informišu građane Općine Velika Kladuša o oblicima, mogućnostima i načinu ostvarivanja prava iz oblasti socijalne zaštite i pomoći putem Centra za socijalni rad.

3. Nalaže se Općinskom načelniku da organizira i putem nadležne službe Općinskog organa uprave i Centra za socijalni rad, kao i organa mjesnih zajednica koje djeluju na području Općine Velika Kladuša, organizira i provede izradu socijalnih kartona građana, te da za te potrebe obezbijedi neophodna sredstva u budžetu Općine.

4. Općinsko vijeće traži od Vlade USK-a i Zavoda za zdravstveno osiguganje da iniciraju i provedu potrebnu zakonsku proceduru u cilju oslobađanja od obaveze plaćanja premije zdravstvenog osiguranja penzionera sa iznosom penzije od 310,73 KM i manje.

5. Obavezuje se nadležna Služba Općinskog organa uprave da zatraži od nevladinih organizacija koje djeluju na području Općine Velika Kladuša podatke o socijalno ugroženim građanima koji su njihovi korisnici, te podatke o aktivnostima koje su iste u pogledu pomaganja socijalno ugroženoj kategoriji građana organizovale i provele u okviru svoga djelovanja

II

Ovaj Zaključak stupa na snagu danom objavljivanja u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKO VIJEĆE

PREDSJEDAVAJUĆA
OPĆINSKOG VIJEĆA
Edina Abdić, s.r.

Broj: 01-05-417/13
Velika Kladuša, 28.11.2013. godine

Na osnovu člana 43. Statuta Općine Velika Kladuša („Službeni glasnik Općine Velika Kladuša“, broj: 12/11) i Odluke o izvršenju budžeta za 2013. godinu („Službeni glasnik Općine Velika Kladuša“, broj: 3/13), Općinski načelnik Općine Velika Kladuša, donio je

ZAKLJUČAK

o plaćanju troškova struje i komunalnih usluga za prostorije (Zgrade starog Komunalnog) koje koristi Vijeće mladih Općine Velika Kladuša – grant za projekte i mlade

1. Općina Velika Kladuša plaćat će troškove struje i komunalnih usluga za prostorije (Zgrade starog Komunalnog) koje koristi Vijeće mladih Općine Velika Kladuša iz budžeta Općine Velika Kladuša– grant za projekte i mlade

- do 60 KM mjesečno za troškove električne energije
- do 40 KM mjesečno za komunalne usluge

2. Sredstva iz tačke 1. doznačivat će se početkom svakog mjeseca za protekli mjesec na transakcijski račun Vijeća mladih 3385102226772848 otvoren kod UniCredit banke velika Kladuša.

3. Korisnik sredstava iz tačke 1. ovog Zaključka dužan je po isteku budžetske godine dobivena sredstva pravdati kopijama računa.

4. Ovaj Zaključak stupa na snagu danom donošenja, a ima se objaviti u „Službenom glasniku Općine Velika Kladuša

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Edin Behrić, mag.oec.

Broj: 05-14-3636/13
Velika Kladuša, 14.11.2013. godine

Na osnovu člana 43. Statuta Općine Velika Kladuša („Službeni glasnik Općine Velika Kladuša“, broj: 12/11) i Odluke o izvršenju budžeta za 2013. godinu („Službeni glasnik Općine Velika Kladuša“, broj: 3/13), Općinski načelnik Općine Velika Kladuša, donio je

ZAKLJUČAK

I

Odobravaju se sredstva iz budžetske rezerve za 2013. godinu u iznosu do 279,00 KM (Slovima: dvijestotinesedamdesetdevet KM i 00/100), kao učešće Općine Velika Kladuša u kupovini printera na osnovu Zahtjeva, broj: 969-4/13, od 23.10.2013. godine za JU Dom zdravlja Velika Kladuša „Centar za rani rast i razvoj“ Velika Kladuša, po ispostavljenom računu, broj: 415/13-1, od 04.11.2013. godine od dobavljača „Brothers-computers“ d.o.o. iz Velike Kladuše.

II

Odobrena sredstva će se doznačiti na žiro račun Brothers - computers“ d.o.o., broj: 1610350032840071, otvoren kod Reiffeisen banke d.d. Sarajevo, Poslovnica Velika Kladuša.

III

Ovaj Zaključak stupa na snagu danom donošenja, a ima se objaviti u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Edin Behrić, mag.oec.

Broj: 05-14-3553/13
Velika Kladuša, 08.11.2013. godine

Na osnovu člana 43. Statuta Općine Velika Kladuša („Službeni glasnik Općine Velika Kladuša“, broj: 12/11) i Odluke o izvršenju budžeta za 2013. godinu („Službeni glasnik Općine Velika Kladuša“, broj: 3/13), Općinski načelnik Općine Velika Kladuša, donio je

ZAKLJUČAK

I

Odobravaju se sredstva iz budžetske rezerve za 2013. godinu u iznosu do 143,19 KM (Slovima: stotinučetdesettri KM i 19/100), kao učešće Općine Velika Kladuša u finansiranju podjele bajramskih paketića za djecu iz Socijalno-pedagoške zajednice Velika Kladuša povodom kurban bajrama, po ispostavljenom računu, broj: 186/13, od 11.10.2013. godine od dobavljača „Sudo-luka“ d.o.o. Velika Kladuša.

II

Odobrena sredstva će se doznačiti na žiro račun „Sudo-luka“ d.o.o., broj: 1610350012370064 otvoren kod Reiffeisen banke d.d. Sarajevo, Poslovnica Velika Kladuša.

III

Ovaj Zaključak stupa na snagu danom donošenja, a ima se objaviti u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Edin Behrić, mag.oec.

Broj: 05-14-3552/13
Velika Kladuša, 08.11.2013. godine

Na osnovu člana 43. Statuta Općine Velika Kladuša („Službeni glasnik Općine Velika Kladuša“, broj: 12/11) i Odluke o izvršenju budžeta za 2013. godinu („Službeni glasnik Općine Velika Kladuša“, broj: 3/13), Općinski načelnik Općine Velika Kladuša, donio je

ZAKLJUČAK

I

Odobravaju se sredstva iz budžetske rezerve za 2013. godinu u iznosu do 6.000,00 KM (Slovima: šestilijada KM i 00/100), kao učešće Općine Velika Kladuša za izvršenje usluga izmještanja stubova javne rasvjete u naselju Zagrad, po osnovu Ugovora, broj: 09-14-3670, od 18.11.2013. godine.

II

Odobrena sredstva će se doznačiti na žiro račun izvođača radova „MC-STELLA“ d.o.o., broj: 1610350008720051 otvoren kod Reiffeisen banke d.d. Sarajevo, Poslovnica Velika Kladuša.

III

Ovaj Zaključak stupa na snagu danom donošenja, a ima se objaviti u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Edin Behrić, mag.oec.

Broj: 05-14-3682/13
Velika Kladuša, 20.11.2013. godine

Na osnovu člana 43. Statuta Općine Velika Kladuša („Službeni glasnik Općine Velika Kladuša“, broj: 12/11) i Odluke o izvršenju budžeta za 2013. godinu („Službeni glasnik Općine Velika Kladuša“, broj: 3/13), Općinski načelnik Općine Velika Kladuša, donio je

ZAKLJUČAK

I

Odobravaju se sredstva iz budžetske rezerve za 2013. godinu u iznosu do 750,00 KM (Slovima: sedamstotinapedeset KM i 00/100), kao učešće Općine Velika Kladuša u sufinansiranju projekta škole za pčelare početnike pri kupovini pčelarske opreme (košnica), na osnovu Zahtjeva, broj: 05-14-3678/13, od 19.11.2013. godine.

II

Odobrena sredstva će se doznačiti na žiro račun Udruženja „Krajiška pčela“ d.o.o., broj: 990450002666773 otvoren kod Šparkasse banke d.d. Sarajevo, Poslovnica Velika Kladuša.

III

Ovaj Zaključak stupa na snagu danom donošenja, a ima se objaviti u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Edin Behrić, mag.oec.

Broj: 05-14-3721/13
Velika Kladuša, 22.11.2013. godine

Na osnovu člana 43. Statuta Općine Velika Kladuša („Službeni glasnik Općine Velika Kladuša“, broj: 12/11) i Odluke o izvršenju budžeta za 2013. godinu („Službeni glasnik Općine Velika Kladuša“, broj: 3/13), Općinski načelnik Općine Velika Kladuša, donio je

ZAKLJUČAK

I

Odobravaju se sredstva sa granta za održavanje lokalnih puteva za 2013. godinu u iznosu do 30,000,00 KM (Slovima: tridesetilijada KM i 00/100), za finansiranje zimskog održavanja lokalnih cesta i gradskih ulica u skladu sa Pravilnikom o održavanju javnih cesta (Službene novine Federacije Bosne i Hercegovine“, broj: 69/10).

II

Odobrena sredstva će shodno mogućnostima budžeta biti uplaćena na žiro račun JKUP „Komunalije“, d.o.o. Velika Kladuša.

III

Obavezuje se JKUP „Komunalije“ d.o.o. da prije trošenja sredstava provedu proceduru u skladu sa Zakonom o javnim nabavkama („Službeni glasnik BiH“, broj: 49/04, 19/05, 52/05, 8/06, 24/06, 70/06, 12/09, 60/10 i 87/13)

IV

Ovaj Zaključak stupa na snagu danom donošenja, a ima se objaviti u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Edin Behrić, mag.oec.

Broj: 05-14-3729/13
Velika Kladuša, 22.11.2013. godine

Na osnovu člana 43. Statuta Općine Velika Kladuša („Službeni glasnik Općine Velika Kladuša“, broj: 12/11) i Odluke o izvršenju budžeta za 2013. godinu („Službeni glasnik Općine Velika Kladuša“, broj: 3/13), Općinski načelnik Općine Velika Kladuša, donio je

ZAKLJUČAK**I**

Odobravaju se sredstva iz budžetske rezerve za 2013. godinu u iznosu do 800,00 KM (Slovima: Osamstotina KM i 00/100), Udruženju antifašista i boraca NOR-a Velika Kladuša, kao finansiranje Općine Velika Kladuša troškova prevoza do Jajca povodom II zasjedanja AVNOJ-a po Zahtjevu, broj: 5/13, od 18.11.2013. godine.

II

Odobrena sredstva će se doznačiti na žiro račun Udruženja antifašista i boraca NOR-a, broj: 3385102200151489 otvoren kod Unikredit banke d.d. Mostar, Poslovnica Velika Kladuša.

III

Ovaj Zaključak stupa na snagu danom donošenja, a ima se objaviti u „Službenom glasniku Općine Velika Kladuša“.

OPĆINA VELIKA KLADUŠA
OPĆINSKI NAČELNIK

OPĆINSKI NAČELNIK
Edin Behrić, mag.oec.

Broj: 05-14-3737/13
Velika Kladuša, 26.11.2013. godine